

اداره مرکزی :

آنقره ده ، معارف امینلکی یاشده کی دائرة
استانبول جاده سنده آنقره

استانبول بوروسی :

استانبولده ، باب عالی جاده سنده ۸۷ نوره ده
دا ۵ مخصوصه

حیات

مبارک دماغیان ... دیبا راهلر حیات قاتلم ...

نسخی هر برده ۱۰ غروردر .

سه لکی پوسته ایله ه لیرا .

(اجنئی مملکتلر ایچین ه دولار) .

اونه واعلان ایشلری ایچین استانبول بوروسی

مراجعت ایدیلیر .

یازی ایشلرینک مرجعی آنقره مرکزیدر .

صافی : ۴۵

آنقره ، ۶ تشرین اول ، ۱۹۲۷

۲ نجی جلد

مصاحبه :

« آقاده می » مسئله سی

تنظیم ایدن بری مملکتیزک بوتون متفکرلری
دائماً فرانسز عرفاننک تأثیر آلتنده قالمشردر ،
دیبا بیلیرز . بو کونه قدر بوتون یکی مؤسسهرلرمزی
قورارکن دائماً فرانسز اورنه کلرینه اتباعه
چالیشمه مز ، شهسز بوندن ایلری کلیور . اویله
صانیورم که شوصرک کونلرده قیمتی بر ادیمزک
یکیدن اورتهیه آتدینی « تورکیه ده بر آقاده می
تأسیسی مسئله سی » ده عین تأثیرک بر نتیجه سیدر .
« یکیدن اورتهیه آتدینی » قیدینی یازارکن ،
بو « آقاده می » ویا اسکی تعبیریلر « انجمن دانش »
تأسیسی مسئله سنک ، اولدجه اسکی بر زماندن بری
وقت وقت نکس ایدن ، تازه له نن بر مسئله
اولدینی خاطر لاتمق ایستدم : داها ۱۲۶۷ ده
صدر اعظم مصطفی رشید پاشانک آچدینی
« انجمن دانش » له باشلایان بوتشبت ، مشروطیتک
اعلانندن صوکراده آرا صیرا ایدیلنک
ایستندی ؛ حتی بوکا بر باشلانغیج اولمق اوزره
مرحوم ضیا کونک آلپک تأثیریلرله ابتدرا اصطلاحات
انجمنی وداها صوکرالغت ، املا و ادبیات
انجمنلری تشکیل اولوندی . لکن ، مختلف
عامللر بوتشبتلرک افلاس ایله نتیجه لهنه سنه سببت
ویردی . بو انجمنلری قورانلر ، کوزلرینک اوکنه
فرانسز آقاده میسنی کتیریورلر ، واوکا بکزر
بر هیئت یاقمله لسان و ادبیاتیزک اصلاح واحیا
اولونه جفتی ، هیچ اولمازسه لغتمزک ، املا مزک ،
قواعد مزک تثبیت ایدیلر جکنی تخیل ایدیورلردی ...
مطبوعاتیز منظمأ تعقیب ایدمه دیکم
ایچون عزیز آرقاداشم « یعقوب قدری » نک

بو مسئله حقنده کی مقاله لرندن یالکز ایلکنی
کورمک میسر اولدی . نجم الدین صادق ده
بوکا حاند بر مقاله یازدیغنی دویمقله برابر اونی ده
کوره مه دم . اکر یعقوبک دیکر مقاله لرینی ده
اوقویه بیلسه یدم ، آرقاداشمک ناصل بر نقطه
نظر تعقیب ایتدیکنی داها اینی آکلامق قابل
اولوردی . بناءً علیه ، بوراده ، هیچ بر تنقید
ومناقشه یه کیریشمکسزین ، ساده جه ، کندی
دوشوندکرمی سویله مکله اکتفا ایدمه حکم .
لسان و ادبیات آقاده میسی ، همان همان یالکز
فرانسه یه منحصر واسکی عنعنلرک محصولی بر
مؤسسهدر . باشقا مملکتلرک هیچ برنده اوماهیته
برتشکله تصادف ایدیلر مز . « آقاده می فرانسه ز »
بو کون اسکی بر عنعنلرک محافظی اولمقدن و فرانسه نک
اک بو یوک ادبی شهرت لرینی سینهنه سنه طوبلامقدن
باشقا مثبت برایش کورمه مکده در . باشقا مملکتلرده کی
آقاده میلر داها زیاده « علوم آقاده میلری » در .
پروسیاده ، انکله رده ده ، روسیاده ، ماجارستانده ،
حتی رومانیاده و بولغارستانده هپ بوجنس
مؤسسهره تصادف اولونور . فرانسه ده ده ،
« فرانسز انستیتوسی » نام عمومییسی آلتنده ،
فرانسز آقاده میسندن باشقا « علوم آقاده میسی » ،
محکوکات و علوم ادبیه آقاده میسی ، علوم سیاسییه
واجتماعیه آقاده میسی ، صنایع نفیسه آقاده میسی ،
موجوددر ؛ ۲۵۰ یه یاقین اصلی اعضادن ترکیب
ایدن بو مؤسسهرلرک ، فرانسه نک معنوی شوکتنده
نه بو یوک عامل اولدینی سویله مک زاندر .
موجود آقاده میلر آراسنده ، ایکی عصرلق

بر حیاته و میلیونلردن مرکب بر بودجه یه مالک
اولان اسکی روس - شیمدیکی شوراجهوریتلری
اتحادی - علوم آقاده میسی ، تشکیلاتنک وسعتی
و طرز فعالیتی اعتباریلرله بالخاصه نظر دقتی جلبه
شایاندر : ۴۲ اصلی اعضادن مرکب اولان آقاده می
« فیزیقو - ماته ماتیق » ، « روس لسان و ادبیاتی » ،
« تاریخ و فیلولوژی » شعبه لرینه آریلیر . مختلف
ماهیتده (۵۰) مؤسسہ علمیه نک اداره سی ده آقاده می یه
مودوعدر ؛ بو مؤسسهرده (۴۶۲) عالم متادی
صورته تدقیقات و تبعانده بولونمقله موظفدر .
بوانستیتورلرک ، موزه لرک ، قومیسونلرک فعالیتی
ونشریاتی جدأ چوق قوتلیدر .
بزم مملکتیز ایچون ، فرانسز آقاده میسی طرزنده ،
یعنی ، ساده جه یتیشمش صنعتکارلری سینهنه سنه
طوبلایه جق بر مؤسسهدن زیاده ، اک کنج
مملکتلرک بیله تطبیقه اوغراشدقلری « علوم
آقاده میسی » طرزنده برتشکک داها مفید
اولاجنی قناعتمده یم . کوچوک ، متواضع بر
« آقاده میک » مرکزله اونک اطرافنده مستقبل
طاملری یتیشدیر مکله مکلف انستیتورلر ، موزه لر
وانجمنلردن ترکیب ایدمه جک بر مؤسسہ ، بو کون
ایچون پارلاق کورولمه سه بیله ، استقبال ایچون
پک مفید اولابیلیر . بویله بر علمی مرکز ، الهه کی
قوتلردن ده اعظمی نسبتده استفاده ایدمه بیلمک
چاره لرینی قولایلقله بولور .
بزده علم حیاتنک انکشاف ایتمه مه سنک بلکه اک
بو یوک سببی ، علمک بر نوع « هوسکارلق » دن
عبارت قالمه سی ، حیاتی علمه حصر ایدمه جک انسانلر



رومانه تفرقه: ۱

باشلا نسیج

— قصبه کزده زهرا خانم اُسمنده بر باش معلم وارمش .. هانکی مکتبه اولدیغنی بر بره قید ایتدم اما بر تورلو بولامایورم .
مبعوث شریف خلیل بك جزو دانی، بلك جیلیرنی قاریشدیریوردی .

معارف مدیری کوله رك ؛
— زحمت ایتمه یك اقدام، معلوم ، دیدی ، زهرا خانم ولایتك اك معروف بر سپاسیدر .
— دوستلرمدن بری بو خانم ایچون سزدن اون ، اون بش کون اذن ایسته می رجا ایتدی... استانبوله اختیار وعلیل بر باباسی وارمش .. سوک کونلرده آغیر صورته خسته لامش ... حیاتی تهلکه ده میمش ... بلکه اذن قویارمی ایچون مبالغه ایدیورلر اما برشی یایمی ممکنه ...

— ممکن طیبی ... آنجق بنم بیلدیگمه کوره زهرا خانم کیسه سز بر قادیندر ... بش سنه یه یاقین بر زماندن بری طانیرم ... بکا باباسی فلان اولدیغندن هیچ بحث ایتدی . معافی کندیسنه سورارز . ذاتا بر آرز سوکرا اونی کوره جککوز .
— بنی ، نه مناسبت ؟

— بر آزدن سزه قصبه بی کزدیره جاک دکلیم ؟
اولا زهرا خانمک مکتبندن باشلا یاجغز . دائرة انتخابیه کزده کوره جککوز اک شایان دقت مؤسسه بو مکتبدر . خلق مکتبک اصل اسنی اونو تمشدر .
« زهرا خانم مکتبی » دیبه طانیر . حتی کاتبلر مزایله بعضاً شاشیر برلر ، رسمی اوراقده « زهرا خانم مکتبی » دیبه یازارلر . کچنلرده بر چشمه باشنده ایکی قادین قونوشویوردی . بریسی « بن چوجوغمی معارف مکتبلرینه ویرمه م ... زهرا خانمک مکتبنده اوقوتاجتم » دییوردی .
مبعوث کولمکه باشلا دی :

— چوق غریب .. بوزهرا خانم سزه قارشی عادتا استقلال اعلان ایتش وضعیتده ...
— کله بی چوق برنده فولاندیکوز . . زهرا خانم اجرا آتنده همان همان مستهلدر .. بزم اصرار لیمزه ،

نهیلمیزه هیچ قولاق آصاز ... حاصلی بیلدیگی کبی حرکت ایدر .
— بوسزک معارف مدیری ، اداره جی عزت نفسکزی رنجیده ایتمی ؟
معارف مدیری پنجه دن اوزاقلره باقه رق کولومه دی :

— کاشکه بوتون مکتبلریمزک باشنده زهرا خانم کبی معلملر اولسه ده بزم هیچ حکمز قالاسه .. استقلال علامتی اوله رق اونلره برر داوول ایله توغ کوندریر ، معارف اداره لرینک قاپیلرینی کمال امنیت وافتخار ایله قاپاردق ..

مبعوث شریف خلیل بك ایله معارف مدیری توفیق بك ایکی اُسکی مکتب آرقاداشی ایدیلر .
ملکیه بی پتیردکن سوکرا معلم اولشلردنی . شریف بك سوکرا دن مسلکنی دکیشدیرمش ، توفیق بك معارغی قالشدی . دورت بو چوق سنه دن بری (....) ده معارف مدیریدی . مسلکک قدسیته اینانمش بر ایده آلیستدی . فقط بر پارچه که وشه ک و خیالپرستدی . باشنده کی سوسلی رؤیایی حقیقت یایمی ایچون یالکوز دوشونمک ، اوقومق سوبله مک کافی اولدیغنه اینانیردی . فعال واوغراشیجی دکلدی .
ذاتاً بوراسنی اک زیاده سکوتی ایچون سویوردی . بوتون بوش وقتلرینی قصبه نک کنارندن کچن دره نک کنارنده کی سوکودلر آتنده کتاب اوقومقله کچیر بردی .

دائرة انتخابیه سنی کزیمکه کلن شریف خلیل بك اونک اوینه مسافر اولشدی . کولکه و چیچکله دولوبریاغچه دن کچیلهن کوچوک بر او داده اوکله بکنی بدکلری ائنده بو زهرا خانم بختی آچیلشدی .
توفیق بك دوام ایتدی :

— بندن دورت سنه اول کوچوک بر قیز ، مینی مینی بردارالمات مأذونی اوله رق بورایه کلش ... ایلك زمانلرده چوق صیقتی چکمش .. فقط ما بوس اولامش ... قصبه بی کندیبه وطن ، مکتبی برعائله اوجاغی یایمش ... اوقدر عزم وغیرتله چالشمش که ترفیع و ترقیسنه مانع اولاماشلردر ... داها بکرمی

بش یاشنه کله دن باش معلم یایمشلر ، اُلنه قوجامان بر قیز مکتبی تسلیم ایتشلر ... شیمدی بکرمی دوقوز اوتوز یاشلرنده واردر ... قصبه نک اک سویلن ، امنیت ایدیلن ، خاطر ی صاییلان بر انسانیدر .
بوکون اکثریسی قوجامان او خانعلری اولان اُسکی طلبه سی اوزرنده حالا اُسکی نفوذینی محافظه ایدر ... اونی بر آبله ، بر آنا کبی دیکر لر ، بوتون مشکلرینی اوکا حل ایتدیر برلر . مکتبه کانجه ... بر آرز سوکرا کوره جکسکوزیا ... بو متواضع قصبه ده اومولایاجق قدر کوزل بر شیدر ... باراسز هیچ برشی اولماز ، دیرز ... اساس اعتباریله چوق دوغرودر ... فقط چالیشقان واراده صاحبی بر انسانکده آرز پارا ایله نه بو بوک ایشلر یایایله جکنه بو مکتبندن کوزل مثال کوستریله من ... مثلا بادانا ، دام ، جام تعمیری ، فلان کبی شیلر ایچون پارا و بررز . اُتکلرینی بلنه دولار ، بو ایشلری کندی کورور .. ذاتاً اُلندن کله بن ایش یوق کیدر .. آرتدیردینی پارا ایله بالفرض بکخانه لر ایچون صوفرا طاقی ، یاخود صنفلر ایچون درس آلاتی تدارک ایدر .. برلی زنگینلردن بر قسمنک یاردیمیه بنایی بووتدی ، تعمیر ایتدیردی ، باغچه سنی کیشله تدی . اُشرافدن بری وفات ایدن آناسی ایچون تر به شکلنده بر مکلف مزار یاپدیر اچدی . زهرا خانم کونلرجه کیتدی ، کلدی . بو تر به پروژه سنی مکتب باغچه سنده بر پره تویه تحویل ایتدیردی . نه یاپدی ، نه سویلیدی بیله مه بورم . فقط حد ذاتنده چوق آبی ورقیق بر آدم اولان بو زنگین ، بر کون دائرة کلدی آشاغی یوقاری شو سوزلری سویله دی : « چوق دوشوندم . مرحومه والده نک مزارینه صرف ایده جکم پارا ایله مکتبه بر قیش تنفسخانه سی یاپدیر اچتم . تر به آنجق زمان زمان یالاغندن صوابچمکه کله جک بر قاق قوشه یارایاجق . فقط بو تنفسخانه ده فارده ، قیشده یوزلرجه چوجوق باریناچاق . یاوروجقلرک بوراده صیجاق صیجاق ، راحت راحت اُکله نلری مرحومه بی مزارنده داها ممنون ایدر . تنفسخانه نک ایچنه مرحومه یه عائد برده کتابه وضعنه مساعد



بوورولورسه وسیله رحمت اولور . « بو سوزلر طبیعی زهرا خانمکدی . اونلری بوساف آدمک ذهننه چیوی کی میخلامشدی . شیمدی حق ویردیکیزیا .. کاشکه بویله بر جوق معلملریز اولسه ده بزى هیجه سایسلر .

یک پتشدی . مبعوث دیزلرینه طیرمانان برکدی بی اوقشاپور ، اوکاسوفرا ارتیق بویله ضیافت چکیوردی : — بونلر مکتبک کوزه کورون قسملری ، دیدی ، معنوی جهتی ناصل عجباً ؟ حیات نجی بر آرزوی یاپدی . ظاهرأ چوق فعال و ایشکدار کورون انسانلردن دائماً بر پارچه شبهه ایدیورم . . . کذلک کورونوشی ، کوستریشی چوق مکمل اولان مؤسسه لرده پک امنیت ایدمه یورم .

— بوزها خام ایچون سزی اوجهتندنده تأمین ایدمه بیلیم . چوقوقلریزه ویردیکی تریبه ده عینی درجه ده تمیز و مکملدر . بر کره چوق مثبت قافالی بر قادین . . خرافه و خیال ایله متادیا مجادله ایدر ، طلبه سنه آنجق علمک اک مثبت حقیقتلری اکره تیر . سوکرا اوندی بر نوع خسته لقی ، هیچ دورمایان ، اونی دائماً ایچین ایچین یاقان برهاوار : دوغرولق ، فداکارلق ، معنوی تمیزک خسته لقی . . حقسزلنک ، یالانک ، ریانک ، حاصلی بو تون اخلاقسز لقلر وضعلرک مدهش بردوشمانیدر .

— شو حالده بو خانمک قصبه ده بر جوق دوشمانلری اولاجق . معارف مدیری کسبک کسبک کولهرک جواب ویردی :

— اوراسی اویله . معافیته ینه ظن ایتدیکنز قدر دکل . . فنا انسانلر ، صوچلی انسانلرک کنیدلری نلعین و تجزیه ایدن انسانلره دائماً دوشمان اولمالری لازم کله یور . بزکانه زی ، برضعفیزی یوزیمزه ووران عینی کناه و ضعف ایله معلول اولدیغی بیلدیکنز بر انسانه چیلدیریوروز ، عصیان ایدیوروز . فقط لکه سز برانسانسه ، انسانلق ایجابی ، ینه بلکه قیزیوروز . فقط انفعاللریز ، کینلریز اولکی قدر قوتلی اولما یور . بوزها خانمک آجی برلسان ایله قباحتلری بوزلرینه ووردیغی بر جوق انسانلر بیلیم که باشلری مظلومانه اوکلرینه ا کدیله . چونکه اونک اک تمیز و ناموسلی برانسان اولدیغندن شبهه ایتمه یورلردی . حقیقتاً ده اویله در . بو قادینک خصوصی حیاتنده اک کوچوک برلکه ، اخلاقنده اک اهمیتسز برضعف کوستریله من .

— مبالغه ایدیورسیکنز .
— قطعاً ، حقیقتی سویله یورم .
— سز آنجق رومانلرده تصادف ایدیله بیلجهک بر ایدآل بر قهرماندن بحث ایدیور کیسکنز . انسان اولسونده هیچ برضعفی اولماسین . . .
معارف مدیری آرقاداشنک یوزینه باقوب کولهرک :
— بویله بر ادعاده بولونمادم .
— اوندی اک اهمیتسز برضعف کوستریله من دیمه دیکیمی ؟
— اوت . . .
— شو حالده !؟
توفیق بک اونی اسکی آرقاداشنک دیزینه وورده رق :

آنفالو - مافوره طبعاتی

بر بوبوک آدم لرا طرفنده مناقشه - « امیل لودویغ » ک

بر مقالسی

« کچن ایکی بیک سنه طرفنده هیچ بر دور کوروله مشدرکه او دورده دنیانک بر طرفنده ابنای نوعی کوچولتن ، یعنی ابنای نوعنک پک زیاده فوقته یوکسلن حقیقه بوبوک بر شاعر ، بر فیلسوف یا خود هر هانکی بر وادیده دهها صاحبی بر آدم ظهور ایتمش اولماسین . حالبوکه بو کون هیچ بر ملکتنده بویله بوبوک بر آدم یوقدر . »

بو سوزلر بر تلغراف آژانسک لوندره ده کی شعبه سی طرفندن دو قنور « بونلر » ه اسناد اولوندی . قولومییادار الفونونک ریاستنده بولنان بو ذات ؛ آمریقا ده عرفان و سیاست عالمنک اک معروف سیالردن بریدر . کچنلر ده سیاحت طریقله لوندره ده ایکن بر غزته جی ایله ملاقاتنده سوبلیدیکی ادعا اولنان بو سوزلر در حال آمریقا مطبوعاتنده بوبوک بر مناقشه به زمین تشکیل ایتدی . نو بوقر مطبوعاتندن « لیتره رری داچه ست »

— برانسان ایچون ضعفدن محرومیت ده بوبوک برضعف دکلیدر ؟ حتی ضعفلرک اک بوبوک . .
— پارادوکس یاپورسکنز توفیق بک .

— بالعکس اللهمک البسبیط بر حقیقتی سوبلیدیکه قائم . زهرا خانمی سزه بر کمال هیکلی ، ایدمه آل بر رومان قهرمانی اوله رق تصویر ایتدم . فقط دقت ایدیکنز که « تام برانساندر » سوزینی صرف ایتدم . شیمدی سزه بوبوکوزل مدالیه نک ترس طرفتی ، کندی کوروش و دوشونوشمه کوره تصویر ایدیم . دوغرولق ، تمیزک ، فداکارلق خسته لقی اوندی انسانلنک اک قیمتلی بر قابلیتنی اولدورمشدر : آجیمق قابلیتی . . زهرا خانمه حسسز بر قادین دینه من . . بالعکس کنیش بر روحی وار . کوزه ل ، دوغرو ، تمیزشیلری چیلغنه سه وه بیلور ، اونلر ایچون هر فداکارلنی یاپور . فقط ضعفه ، دوشکونلکه ، چیرکینلکه آجبا یور . ساده جه قیزیور ، خیرچینلا . شیور . قباحتی انسان ، دوشکون انسان اونک کوزنده اکین تارلارنده پتمش مضر براوت کی . . اونی آجیادن سوکوب آتیور . یاپیلش بر فنانلق ایچون معذرت طایما یور . حق نامنه ، حقیقت نامنه انصافسزجه وورمق . . . بونی بر عدلیه جی ، بر حاکم ایچون آکلارم . حتی اونلر ایچون ده بعض قیدلره . . . اویله یاجرملرک کنهلرک ایچ بوزلری هر زمان بیلدیکنز ، آکلادیغمز کیمیدر عجباً ؟ اوت بو قطعیتی بوخشوتی بر حاکم ایچون بر درجه به قدر آکلارم . فقط بر مکتب خو جاسی ایچون . .

- پتشمه دی -

مجموعه سنک ۶ اغستوس تاریخی نسخه سی قارنلرینه بونون بو مباحثه نک بر زبده سنی تقدیم ایدیور .

بو مناقشه دو قنور « بونلر » ی قورقوشمش ، داها دوغریسی بیلدیرمش اولملی که آمریقا به عودتندن سوکرن غزته جیلری نو بوقر جوارنده کی یازلق کوشکنه چاغیره رق کندیسنه اسناد ایدیلن سوزلری تصحیح ایتدی . « بونلر » لوندره ده کی مخابرله کوروشورکن حال حاضرده دنیانک هیچ بر طرفنده تک بر داعی آدم اولدیغنی ادعا ایتمش ؛ اونک افاده ایتدیکی ملاحظه شوندن عبارت ایتمش : « اویله کوروشورکه حال حاضرده دنیاده جدا بوبوک بر شاعر یا خود برنجی درجه ده بر فیلسوف ، یا خوددینی و معنوی بر رئیس وره بر یوقدر . بونک سببی بلکه غیله قوتنک زمانزده باشقه بوللرده وزمینلرده تجلی ایتمیدر . بو بوللرک بعضیلری فن ساحه سنده در و طیاره جی « لیندبرغ » ک ماجراسی غیله قدرتنک بو کونکی تجلیاتنک احتمال که اک بوبوکسکلردن برنجی تشکیل ایدر . . »

دو قنور « بونلر » ک بو تکذیبی کندیسنه اسناد ایدیلن افاده نک آنجق بر قسمنه عائد و راجع اوله بیلیر ، دنیانک هیچ بر طرفنده حقیقه بوبوک بر شاعر و بر فیلسوفک یوقلغنه دائر لوندره ده سوبلیدیکی سوزی کندیسی انکار ایتمور ، قولومییادار الفونون رئیس یالکز صنایع و آیات ، فنون ساحه سنده بوبوک آدم لر موجود اولدیغنی ایما و اشراب ایدمه رک بونک عکسنی ادعا ایدن افاده یی رد ایدیور . هر حالده بو تکذیب ، آمریقا مطبوعاتنی کونلرجه اشغال ایدن و دو قنور « بونلر » ک بالذات خبر ویردیکی کی بومی غزته لرده یتش بش باش مقاله ده موضوع بحث اولان مناقشه یی سبب سز ، اساس سز کوستره جک بر ماهیتده دکلدر . بوبوک آدم لر هانکی لریدر و بوبوکک نه ایله بللی اولور ؟ شهرت ایله بوبوکک عین شی میدر ؟ بوبوکک لکه زمان و مکاتک تأثیری وارمیدر و بو تأثیرک درجه سی نه در ؟ بو یتش بش مقاله نک محررلری بو صراق و برنجی سؤاللر اوزرینه طبیعی آیری آیری « اعمال فکر » ایتمش و باشقه باشقه نتیجه لره واصل اولمشلدر . بکا قلیسه زمانمیزک بوبوک آدم لری حقتنده اک معقول نقطه نظر شودر :

بوبوک آدم لر بوبوک ایشلر یاپان آدم لردر ، دنیاده بو درلو آدم لرک عددی بو کون اکیسلمش دکلدر ، بوبوک ایش یایمق نقطه نظرندن بو کون دنیاده حتی داها بوبوک آدم لرواردر .

بولتیقه و عسکرلک ساحه سنده بوبوک ایشلر یاپان سبالر هر کسک کوزی اوکنددر . یالکز تلسز تلغراف و تلسز تلفون ، یالکز شیمدیکی هوا سفرلری فنون و آیات نه بوبوک آدم لرک حاکم اولدیغنی خاطر لایمغه کفایت ایدر . صنایع ساحه سنه کیره رسه ک « هاری فورد » ک نامنی ذکر ایله اکتفا ایدمه بیلیرز .

بوراده اوکزه بر مشکل ، یا خود بر مانع چیقیور . بوبوکک یالکز بوبوک ایش یایمغه می تعین ایدر ؟ حیاتنده هر هانکی بر سبیدن دولای بوبوک برایش یاپه مامش بذاته بوبوک بر آدم تصور اولنه مازمی یا خود بویله بر آدم یوقیدر ؟

بوسؤالره « امیل لودویغ » ، « نو بوقر تائمس ماغازین » ک ۲۸ اغستوس تاریخی نسخه سنده جواب ویرمهک صاواشیور . صاواشیور کله سنی قوللاعهم سپسز